

ქონების სადაზღვევო მომსახურების შესყიდვის შესახებ

(გამარტივებული შესყიდვა)

31.03.2017

თბილისი

ერთის მხრივ, სს "სადაზღვევო კომპანია აღდაგი" (შემდგომში "მზღვეველი"), წარმოდგენილი მისი გენერალური დირექტორის, ბატონი ვიორგი ბარათაშვილის სახით და მეორეს მხრივ, შპს "რუხის საავტოო ცენტრი" (შემდგომში "დამზღვევი"), წარმოდგენილი მისი დირექტორის დავით მაჭავარიანის სახით, და შემდგომში ორივე ერთად "მხარეებად" მოხსენიებულნი, „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ს1“ ქვეპუნქტის შესაბამისად, დებენ წინამდებარე ხელშეკრულებას შემდეგზე:

**მუხლი 1. ხელშეკრულების საგანი**

1.1. წინამდებარე ხელშეკრულების საგანია დამზღვევის კანონიერ სარგებლობაში არსებული ქონების დაზღვევა (CPV66515000) მზღვეველის მიერ წინამდებარე ხელშეკრულების პირობების შესაბამისად დამზღვევის მიერ შესაბამისი სადაზღვევო პრემიის გადახდის საფუძველზე, შემდეგი სადაზღვევო რისკებისაგან: ხანძარი, აფეთქება, მეხის დაცემა, წყალდიდობა, თვითმფრინავის ან სხვა საჰაერო ტრანსპორტის ან მათი ნაწილების ჩამოვარდნა, უხეთივლიანობა, მიწისძვრა, შტორმი, ქარიშხალი, წყალგაყვანილობის სისტემების მწყობრიდან უეცარი და მოულოდნელი გამოსვლა, ქურდობა, ძარცვა, ყაჩაღობა ან მათი მცდელობა, ნიადაგის ჩამოშლა, მეწყერი, მესამე მხარის მიერ განზრახ მიყენებული ზიანი; სატრანსპორტო საშუალების შეჯახებით მიყენებული ზიანი.

1.2. წინამდებარე დაზღვევის ხელშეკრულების საფუძველზე გაიცემა #FR/C-003454/17 ქონების დაზღვევის სადაზღვევო პოლისი. აღნიშნულ პოლისზე მთლიანად ვრცელდება წინამდებარე ხელშეკრულებით დადგენილი მოთხოვნები. ამასთან, სადაზღვევო პოლისის გაცემა ხორციელდება შესაბამისი განაცხადის დამზღვევის მიერ შევსებისა და მისთვის სასურველი რისკების აღნიშნულ განაცხადში მითითების საფუძველზე. ხსენებული სადაზღვევო პოლისი და შესაბამისი განაცხადი იქცევა ამ ხელშეკრულების განუყოფელ ნაწილებად.

**მუხლი 2. ტერმინთა განსაზღვრებანი**

წინამდებარე ხელშეკრულებაში გამოყენებულ ტერმინებს ენიჭებათ შემდეგი მნიშვნელობა:

- 2.1. **დამზღვევი** – პირი, რომელიც დებს წინამდებარე დაზღვევის ხელშეკრულებას მზღვეველთან და იზღის შესაბამის სადაზღვევო პრემიას;
- 2.2. **მოსარგებლე** – პირი, რომელიც წინამდებარე ხელშეკრულების, შესაბამისი სადაზღვევო პოლისისა და საქართველოს მოქმედი კანონმდებლობის მოთხოვნათა შესაბამისად უფლებამოსილია, მიიღოს სადაზღვევო ანაზღაურება;
- 2.3. **სადაზღვევო თანხა** – თანხა, რომლის ფარგლებშიც გაიცემა სადაზღვევო ანაზღაურება; სადაზღვევო თანხის ოდენობა არ უნდა აღემატებოდეს დაზღვეული საგნის აღდგენით და/ან შენაკცლებით ღირებულებას; თითოეული დაზღვევის საგნისათვის სადაზღვევო თანხა აღნიშნული იქნება შესაბამის სადაზღვევო პოლისში, რომელზედაც გავრცელდება წინამდებარე ხელშეკრულების დებულებები და პირობები; დამატებით შეიძლება დაწესდეს სადაზღვევო ანაზღაურების ლიმიტ(ებ)ი, რაც ასევე ასახვას პოლებს შესაბამის სადაზღვევო პოლისში;
- 2.4. **სადაზღვევო პრემია** – თანხა, რომელიც მითითებულია შესაბამის სადაზღვევო პოლისში მისი გადახდის პირობებთან და ვადებთან ერთად და რომელიც წარმოადგენს წინამდებარე ხელშეკრულებითა და შესაბამისი სადაზღვევო პოლისით გათვალისწინებული დაზღვევის საფასურს;

მხარეთა ხელმოწერები:

მზღვეველი:

დამზღვევი:

- 2.5. ფრანშიზა - შესაბამის სადაზღვევო პოლისში მითითებული არანაზღაურებადი მინიმუმი, რომელზეც მზღვეველი არ არის პასუხისმგებელი და რომელიც აკლდება ზარალის თანხას; სხვადასხვა სადაზღვევო შემთხვევის მიმართ შეიძლება დადგენილი იქნას ცალ-ცალკე ფრანშიზები, რაც, ასევე, ასახვას პოლისზე შესაბამის სადაზღვევო პოლისში;
- 2.6. სადაზღვევო პერიოდი - პერიოდი, რომლის განმავლობაშიც დაზღვევა ძალაშია ანუ დაზღვევის მოქმედების ვადა, რომელიც მითითებულია ინდივიდუალურ სადაზღვევო პოლისში;
- 2.7. სადაზღვევო პოლისი - წინამდებარე ხელშეკრულების საფუძველზე განხორციელებული დაზღვევის დამადასტურებელი დოკუმენტი;
- 2.8. დაზღვევის განაცხადი - მზღვეველის მიერ დადგენილი ფორმით დამზღვევის მიერ შესავსები კითხვარი, რომელშიც აისახება დაზღვევის განხორციელებისათვის აუცილებელი, მზღვეველისათვის საინტერესო გარემოებები.
- 2.9. დაზღვევის საგანი - დაზღვევის საგანს წარმოადგენს დამზღვევის მართლზომიერ სარგებლობაში არსებული ქონება, რომლის დეტალური ჩამონათვალი მიეთითება შესაბამის სადაზღვევო პოლისში, ამასთან, წინამდებარე ხელშეკრულებით გათვალისწინებული დაზღვევის საგანი არ შეიძლება იყოს ანუ დაზღვევას არ ექვემდებარება და დაზღვევით არ იფარება:
- ა) ფულის ბანკნოტები და კუპონები, ბეჭდები, ობლიგაციები, სავალო ვალდებულებები, ვაუჩერები, შეტონები, საკრედიტო ბარათები და სხვა ფასიანი ქაღალდები;
  - ბ) ძვირფასი ლითონები და ძვირფასი ლითონების ნაკეთობები, ძვირფასი ქვები;
  - გ) ხელნაწერები, გვერები, ნახაზები, ნიმუშები;
  - დ) კომპიუტერებში და ანალოგიურ სისტემებში არსებული ტექნიკური საინფორმაციო საშუალებები (მაგნიტური ლენტა, მაგნიტური დისკო, მეხსიერების ბლოკი და სხვა) და ინფორმაციის სხვა მატარებლები;
  - ე) მიწისქვეშა შენობები;
  - ვ) ცოცხალი არსებები და/ან მცენარეები;
  - ზ) ნავთობ-ქიმიური რისკები, გარდა ბენზინგასამართი სადგურებისა;
  - თ) გადაძვინი და/ან გამანაწილებელი ხაზები;
  - ი) ასაფეთხელი, ასევე, ქიმიური ნივთიერებების, თხევადი ან კომპრესირებული გაზის წარმოება, მიწოდება, შენახვა;
  - კ) ისეთი საქონელი, რომელიც მარაგის სახით არის დასაწყობებული მათი შეძენიდან I (ერთ) წელზე მეტი ვადით, თუ საწინააღმდეგო საგანგებოდ არ არის დათქმული შესაბამის სადაზღვევო პოლისში.
  - ლ) ავტოსატრანსპორტო საშუალებები, მათ შორის, გათვალისწინებული სავალო გამოყენებისთვის; სარკინიგზო ორთქლავლები, სარკინიგზო მოძრავი შემადგენლობა, საზღვაო ხომალდები, საჰაერო ხომალდები და ა.შ.;
  - მ) კოსმოსური ხომალდები, მათ შორის, სატელიტური ანტენები.
- 2.10. ხანძარი - ქონების დაზიანება უშუალოდ ღია ცეცხლით, რომელიც მოჰყვა წვას და რომელიც გავრცელდა მას შემდეგ, რაც გაჩნდა ცეცხლისთვის განკუთვნილი ადგილიდან განსხვავებულ ადგილას ან თვითნებურად გასცდა ამგვარ ადგილს;
- 2.11. აფეთქება - აირის ან ორთქლის წნევის ძალის უცარი და დამანგრეველი გამოვლინება, არამდგრადი სისტემის სწრაფი ქიმიური რეაქცია;
- 2.12. მეხის დაცემა - უშუალოდ დაზღვევის საგნის დაზიანება მეხის დაცემით;
- 2.13. თვითმფრინავის ან სხვა საჰაერო ტრანსპორტის ან მათი ნაწილების ჩამოვარდნა - თვითმფრინავის ან სხვა საჰაერო ტრანსპორტის ან ამ ტრანსპორტიდან ნივთების გადმოვარდნა, რაც განაპირობებს დაზღვეული ქონების დაზიანება-განადგურებას;
- 2.14. მიწისძვრა - უშუალოდ რეგისტრირებული მიწისძვრით გამოწვეული ქონების დაზიანება-განადგურება;
- 2.15. შტორმი, ქარიშხალი - შტორმით და ქარიშხლით გამოწვეული დაზღვეული ქონების დაზიანება-განადგურება;

მზღვეველი: 

მხარეთა ხელმოწერები:  
 დამზღვევი: 

2.16. წყალდიდობა - წყალდიდობა წარმოადგენს წყლის გარედან შესვლას დაზღვეულ შენობაში იმ მიწის ზედაპირის დატბორვის შედეგად, რომელიც ჩვეულებრივ არ არის დაფარული წყლით და რაც განპირობებულია;

- ა. წყლის უჩვეულოდ დიდი მოცუვით;
- ბ. ტაიფუნის, ციკლონის ან ქარბუქის შედეგად;
- გ. მდინარეების, რეზერვუარების, არხების და მსგავსი ნაგებობების დატბორვის ან ნაპირებიდან გადმოსვლის შედეგად.

2.17. წყალგაყვანილობის სისტემების მწყობრიდან უეცარი და მოულოდნელი გამოსვლა - წყლის მიღების, მილსადენის, წყლის საცობების, წყლის აგრეგატებისა და ცეცხლჩაქრობი სპეციალური სისტემების მწყობრიდან გამოსვლით, დატბორვითა და გაუონვით გამოწვეული ზარალი, გარდა იმ შემთხვევებისა, როდესაც ზარალი გამოწვეულია წყლის მიღების, მილსადენების, საცობების, აგრეგატებისა და ცეცხლჩაქრობი სპეციალური სისტემების შეკეთებით;

2.18. ქურდობა, ძარცვა, ყაჩაღობა ან მათი მცდელობა - დაზღვეული ობიექტის ფარული ან აშკარა დაუფლება ან მისი მცდელობა მართლსაწინააღმდეგო მისაკუთრების მიზნით, ჩადენილი შენობაში მართლსაწინააღმდეგო შეღწევის გზით, გარდა იმ შემთხვევებისა, როდესაც ადგილი ჰქონდა წინასწარ შეთანხმებას დამზღვევის (მოსარგებლის) რომელიმე მუშაკს ან დაზღვეულ ობიექტზე მყოფ პიროვნებასა და ბოროტმოქმედს შორის. ამასთან, წინამდებარე ხელშეკრულების თანახმად, დაზღვევით არ იფარება ქურდობის ისეთი შემთხვევები (მიუხედავად იმისა, აღძრულია, თუ - არა სისხლის სამართლის საქმე ქურდობის მუხლით), თუ შესაბამისი და სათანადო მტკიცებულებებით არ დასტურდება დაზღვეულ ობიექტზე ბოროტმოქმედი(ებ)-ის შეღწევის ან გამოღწევის ფაქტი და ადგილი აქვს, უბრალოდ დაზღვეული ქონების გაუჩინარებას;

2.19. ნიადაგის ჩამოშლა, მეწყერი და უხვთოვლიანობა - უშუალოდ მეწყერით, ნიადაგის ჩამოშლით და უხვთოვლიანობით გამოწვეული ზარალით;

2.20. მესამე პირი(ებ)ს მიერ განზრახ მიყენებული ზიანი - მესამე პირი(ებ)ს მიერ განზრახ ჩადენილი მართლსაწინააღმდეგო ქმედების შედეგი, გარდა წინამდებარე ხელშეკრულებით გათვალისწინებული გამონაკლისი შემთხვევებისა;

2.21. სატრანსპორტო საშუალების შეჯახებით მიყენებული ზიანი - ნებისმიერი სატრანსპორტო საშუალების დაზღვეულ ქონებაზე შეჯახების შედეგად დაზღვეული ქონებისათვის მიყენებული ზარალი.

2.22. გამოუმუშავებული სადაზღვეო პრემია - სადაზღვეო პერიოდის განმავლობაში კონკრეტული თარიღისათვის, სადაზღვეო პერიოდის დასაწყისიდან ასეთ თარიღამდე განვლილი დროის მონაკვეთის პროპორციული პრემიის ოდენობა;

2.23. გამოუმუშავებელი სადაზღვეო პრემია - სადაზღვეო პერიოდის განმავლობაში კონკრეტული თარიღისათვის, სადაზღვეო პერიოდის ამოწურვამდე დარჩენილი დროის მონაკვეთის პროპორციული პრემიის ოდენობა;

წინამდებარე ხელშეკრულებაში გამოყენებულ სხვა ტერმინებს გააჩნიათ ჩვეულებრივი მნიშვნელობა, ამასთან, თუ ხელშეკრულებაში გამოყენებული ტერმინების გაგება არაერთგვაროვანია, სხვადასხვა ინტერპრეტაციებს შორის უპირატესობა ენიჭება საკანონმდებლო წესით განსაზღვრულ მნიშვნელობას, თუკი საქართველოს მოქმედი კანონმდებლობა ასეთს ითვალისწინებს.

### მუხლი 3. სადაზღვეო შემთხვევა და გამონაკლისები

- 3.1. სადაზღვეო შემთხვევას წარმოადგენს მხოლოდ შესაბამისი სადაზღვეო პოლისით გათვალისწინებული რისკების ხლომილებით გამოწვეული დაზღვეული ქონების დაზიანება-განადგურება.
- 3.2. დაზღვევა შეიძლება განხორციელდეს მხოლოდ წინამდებარე ხელშეკრულებით განსაზღვრულ რისკებისგან, ამასთან, "მზღვეველი" არ არის პასუხისმგებელი იმ ზარალზე, რომელიც გამოწვეულია;

მზარეთა ხელმოწერები:

მზღვეველი: 

დამზღვევი: 

- ა) იონიზირებული რადიაციით, თერმობირთვული საწვავისა ან ნებისმიერი ბირთვული ნარჩენებით განპირობებული რადიოაქტიული დაბინძურებით, რადიოაქტიური, ტოქსიკური, ფეთქებადი ან ნებისმიერი ბირთვული ნივთიერების შემცველი აირით;
- ბ) მიწის სამუშაოებით, შენობის სარემონტო სამუშაოებით;
- გ) მასობრივი არეულობით, ტერორიზმით ან მისი ნებისმიერი გამოვლენით, შემოსევით, უშუალო ან არაპირდაპირ საომარი მოქმედებებით, სახელმწიფო ხელისუფლების მიერ გამოცხადებული განსაკუთრებული, საგანგებო, სამხედრო მდგომარეობით, სამოქალაქო ომით, საბოტაჟით, აჯანყებით, შეიარაღებული გამოსვლებით, ატომური იარაღის გამოყენებით, მანიფესტაციებით, ლოკაუტით, გაფიცვით და სხვა ანალოგიური მიზეზებით;
- დ) ჩრჩილით, ბაქტერიებით, პარაზიტებით, ქონების ღვობით, ცვეთით, ეროზიით, კოროზიით, დაუანგვეთ, თანდაყოლილი დეფექტით, მაღალი ან ცვალებადი ტემპერატურით ან ტენიანობით, ფერმენტაციით, აორთქლებით, შემადგენლობის შეცვლით, წონის შემცირებით, გადახურებით, გამოშრობით, შეუსაბამო ან/და არასწორი დიზაინით ან/და პროექტირებით, დეფექტური მასალების გამოყენებით, ქონების სხვა ბუნებრივი თვისებებით;
- ე) "დამზღვევის" (მოსარგებლის) ან მათი წარმომადგენლების განზრახვი ან მართლსაწინააღმდეგო ქმედებით;
- ვ) შესაბამის სადაზღვევო პოლისში აღნიშნულის გარდა სხვა რისკებით;
- თ) დაზღვეული ქონების პირდაპირი დანიშნულების ტერიტორიაზე (დაზღვევის ტერიტორიაზე) არ ყოფნის;
- ი) ხანძარსაწინააღმდეგო სისტემის (თუ ასეთის არსებობა მითითებულია განაცხად-ანკეტაში) გაუმართავ მდგომარეობაში ყოფნით;
- კ) დაცვის (სიგნალიზაციის) სისტემის (თუ ასეთის არსებობა მითითებულია განაცხად-ანკეტაში) გაუმართავ მდგომარეობაში ყოფნით;
- ლ) სახიფათო ნარჩენების შეუსაბამო, არასათანადო შეფუთვით და შეუსაბამო ადგილას მოთავსებით;
- მ) გარემოებებით, რომლებიც ზრდიან სადაზღვევო რისკის დადგომის ალბათობას, ცნობილია "დამზღვევისათვის" ან მისი წარმომადგენლისთვის და ამის შესახებ არ აცნობა "მზღვეველს" წერილობითი ფორმით დაუყოვნებლივ, არაუგვიანეს 2 (ორი) სამუშაო დღისა, ან "მზღვეველს" მიეწოდა ყალბი ან არასრული ინფორმაცია;
- ნ) წინამდებარე ხელშეკრულება არ ითვალისწინებს ნებისმიერი სახის მოწყობილობის ან დანადგარის ელექტრობის დაზიანებას, თუ ეს უშუალოდ ან არაპირდაპირ გამოწვეულია მოკლე ჩართვით ან დენის ცვალებადობით; ეს გამონაკლისი არ ეხება ასეთი მოკლე ჩართვის შედეგად გამოწვეული ხანძრით სხვა ქონების დაზიანებას;
- ო) თვითმფრინავის ან სხვა საჰაერო ტრანსპორტის ბგერითი ან ზებგერითი სიჩქარით ფრენისას წარმოშობილი წნევის ტალღებით;
- პ) სადაზღვევო რისკში განხორციელებული ისეთი არსებითი ცვლილებებით, რომელთა თაობაზე მზღვეველი არ იყო ინფორმირებული, ამასთან, არსებითად მიიჩნევა (მაგრამ არ შემოიფარგლება) ცვლილებები, რომლებიც ეხება შესაბამისი განცხადება-ანკეტით მოთხოვნილ ინფორმაციას;
- ჟ) ქონების უგზო-უკვლოდ გაუჩინარებით;
- რ) გარემოებებით, რომლებიც საქართველოს მოქმედი კანონმდებლობისა და/ან წინამდებარე ხელშეკრულების მოთხოვნათა შესაბამისად, მზღვეველს ანიჭებს უფლებამოსილებას, უარი განაცხადოს სადაზღვევო ანაზღაურების გაცემაზე;
- ს) კონფისკაციით, მათ შორის, ქონების სახელმწიფო საკუთრებაში გადასვლით, ჩამორთმევით, რეკვიზიციით, ექსპროპრიაციით, სახელმწიფო/საჯარო ორგანოების განკარგულების საფუძველზე ქონების განადგურებით;
- ტ) ბირთვული რეაქციით მათ შორის ბირთვული რადიაციით ან დაბინძურებით;
- უ) არაკეთილსინდისიერი ქმედებით, მათ შორის, თაღლითობით, შანტაჟით, გამოძალავით;
- ფ) გამონაკლისია, ასევე, შენარჩუნების, მათ შორის, ჩვეულებრივი შენახვის, ხარჯები.

**მუხლი 4. მხარეთა უფლება-მოვალეობანი**

4.1. დამზღვევი/დაზღვეული ვალდებულია:

4.1.1. განუხრელად დაიცვას წინამდებარე ხელშეკრულებითა და შესაბამისი სადაზღვევო პოლისით დადგენილი პირობები და ნაკისრი მოვალეობები;

მხარეთა ხელმოწერები:


მზღვეველი: 

დამზღვევი: 

- 4.1.2. უზრუნველყოს მზღვეველი სადაზღვევო ხელშეკრულების დასაღებად აუცილებელი ინფორმაციით;
- 4.1.3. დროულად და სრულად გადაიხადოს სადაზღვევო პრემია;
- 4.1.4. წინამდებარე გენერალური ხელშეკრულების დასაღებად და კონკრეტული დაზღვევის განსახორციელებლად წარმოდგენილ მონაცემებში ნებისმიერი ცვლილების შემთხვევაში (მაგ.: ქონების გასხვისება ან მოსარგებლის შეცვლა, სადაზღვევო რისკის გაზრდა, სადაზღვევო თანხის გაზრდა და ა.შ) შეატყობინოს ამის შესახებ მზღვეველს წერილობითი ფორმით დაუყონებლივ, არაუგვიანეს 2 (ორი) საშუალო დღისა, ასეთი ცვლილების წარმოშობის შეტყობის მომენტიდან;
- 4.1.5. სადაზღვევო შემთხვევის დადგომიდან არაუგვიანეს 24 საათისა, აცნობოს ამის შესახებ ქოლ ცენტრს სადაზღვევო პოლისში მითითებულ ნომერზე, ხოლო 2 (ორი) საშუალო დღის განმავლობაში წერილობითი ფორმით გაუგზავნოს მზღვეველს შეტყობინება სადაზღვევო შემთხვევის შესახებ;
- 4.1.6. ობიექტური შესაძლებლობის ფარგლებში მიიღოს ყველა შესაძლო ზომა დაზღვევის სავანის გადასარჩენად და ზიანის მოცულობის მაქსიმალურად შესამცირებლად, თუმცა, მზღვეველის თანხმობის გარეშე არცერთ შემთხვევაში არ შეუდგეს დაზიანებული/განდაგურებული ქონების აღდგენას/შეკეთებას;
- 4.1.7. მზღვეველის წარმომადგენლის მისვლამდე უზრუნველყოს სადაზღვევო შემთხვევის ადგილზე არსებული მდგომარეობის შენარჩუნება თავისი მოქალაქეობრივი უფლებამოსილებისა და ობიექტური შესაძლებლობის ფარგლებში;
- 4.1.8. გაუწიოს მზღვეველს სათანადო დახმარება, ხელი შეუწყოს, მიიღოს მონაწილეობა სადაზღვევო შემთხვევის გამოძწვევაში მიზეზების, მისი დადგომის გარემოებების, შედეგებისა და მიყენებული ზიანის სიდიდის სრულ და ობიექტურ გამოკვლევაში, დადგენასა და შეფასებაში და არ იმოქმედოს მზღვეველის ინტერესების საწინააღმდეგოდ;
- 4.1.9. დაუყონებლივ შეატყობინოს მზღვეველს სადაზღვევო შემთხვევასთან დაკავშირებით მის მიერ მიღებული ნებისმიერი უწყების, შეტყობინების ან გზავნილის შესახებ;
- 4.1.10. საკუთარი უფლებამოსილებისა და შესაძლებლობის ფარგლებში ხელი შეუწყოს მზღვეველს მის მიერ რეგრესის უფლების განხორციელებაში;
- 4.1.11. ყველა ღონე იხმაროს დაზღვეული ქონების უსაფრთხოების დასაცავად;
- 4.1.12. მიანიჭოს სრული თავისუფლება მზღვეველს, რათა ამ უკანასკნელს მიეცეს საშუალება სურვილისამებრ ნებისმიერ დროს შეამოწმოს დაზღვეული ქონების მდგომარეობა;
- 4.1.13. ზედმიწევნით დაიცვას წინამდებარე ხელშეკრულების ყველა დებულების მოთხოვნა და მიაწოდოს მზღვეველს ყველა საჭირო და შესაბამისი ინფორმაცია და დოკუმენტაცია, რომელიც, თავის მხრივ, წარმოადგენს სადაზღვევო ანაზღაურების გაცემის საფუძველს;
- 4.1.14. სადაზღვევო შემთხვევის დადგომისას დაუყონებლივ აცნობოს აღნიშნულის შესახებ შესაბამის კომპეტენტურ ორგანოებს;
- 4.1.15. სადაზღვევო შემთხვევის დადგომისას წარუდგინოს მზღვეველს ქვემოთ ჩამოთვლილი დოკუმენტაცია:
- ა) განცხადება სადაზღვევო შემთხვევის შესახებ მე-4 მუხლის 4.1.5. პუნქტის შესაბამისად და მოთხოვნა ზარალის ანაზღაურების თაობაზე;
  - ბ) სადაზღვევო პოლისის ორიგინალი;
  - გ) შესაბამისი უფლებამოსილი სახელმწიფო ორგანოების მიერ ოფიციალური ფორმით გაცემული (დამოწმებული უფლებამოსილი პირის ბეჭიდათა და ხელმოწერით) სადაზღვევო შემთხვევის დამადასტურებელი დოკუმენტი, ორიგინალის სახით, სადაც აღნიშნული უნდა იყოს: შემთხვევის ადგილი და თარიღი, გამოძწვევა მიზეზი, შემთხვევის მოხდენაზე პასუხისმგებელი პირი (პირები) (ასეთის არსებობისას), აგრეთვე, საქმისათვის მნიშვნელობის მქონე სხვა გარემოებები;
  - დ) თუ სადაზღვევო შემთხვევის დადგომა გამოწვეულია მესამე პირის ქმედებით და ასეთი პირის ვინაობა ცნობილია, მზღვეველს უნდა წარმოუდგინოს ასეთი მესამე პირის შესახებ ინფორმაცია, კერძოდ: სახელი, გვარი, მისამართი, საკონტაქტო ტელეფონის ნომერი;
  - ე) წინამდებარე ხელშეკრულებით დაზღვეულ რისკებზე (გარდა 2.12; 2.14-2.16 და 2.19 პუნქტებით გათვალისწინებული რისკებისა) სადაზღვევო შემთხვევის დადგომისას, სისხლის სამართლის საქმის

მხარეთა ხელმოწერები:

მზღვეველი: 

დაზღვევი: 

აღძვრის დამადასტურებელი დოკუმენტი, ასევე, ჩატარებულ საგამოძიებო მოქმედებათა შედეგების დამადასტურებელი დოკუმენტი;

ვ) იმ შემთხვევაში, თუ დაზღვეული ქონება არ წარმოადგენს დამზღვევის (მოსარგებლის) საკუთრებას-მესაკუთრის წერილობითი განცხადება მოსარგებლისათვის ანაზღაურების მიღების უფლებამოსილების მინიჭების თაობაზე.

#### 4.2. მზღვეული ვალდებულება:

- 4.2.1. განხორციელებული დაზღვევის დასტურად გადასცეს დამზღვევს შესაბამისი დაზღვევის პოლისი, ამასთან, დაზღვევის განსახორციელებლად უზრუნველყოს დამზღვევი შესაბამისი განაცხადის ფორმით;
- 4.2.2. მიიღოს დამზღვევის განცხადება სადაზღვევო შემთხვევის დადგომის შესახებ განხილვისთვის;
- 4.2.3. შეადგინოს სადაზღვევო აქტი სადაზღვევო შემთხვევის შესახებ;
- 4.2.4. მოახდინოს სადაზღვევო ანაზღაურების გაცემა წინამდებარე ხელშეკრულებით დადგენილი პირობებითა და წესით ანაზღაურებისათვის აუცილებელი ყველა საჭირო დოკუმენტის მიღების საფუძველზე შედგენილი სადაზღვევო შემთხვევის აქტის მხარეთა მიერ ხელმოწერიდან 30 (ოცდაათი) კალენდარული დღის ვადაში, ხოლო მესამე პირის განზრახი ქმედებით ზიანის მიყენების, ქურდობა, ძარცვა, ყაჩაღობის (მათი მცდელობის) რისკზე სადაზღვევო შემთხვევის დადგომისას, სადაზღვევო ანაზღაურება გაიცემა ასეთი აქტის მხარეთა მიერ ხელმოწერიდან 2 (ორი) კალენდარული თვის ვადაში;
- 4.2.5. ჯეროვნად შეასრულოს წინამდებარე ხელშეკრულებით ნაკისრი მოვალეობები.

#### 4.3. დამზღვევი/დაზღვეული უფლებამოსილება:

- 4.3.1. განხორციელებული დაზღვევის დასტურად მოითხოვოს შესაბამისი სადაზღვევო პოლისი;
- 4.3.2. სადაზღვევო შემთხვევის დადგომისას მიიღოს მონაწილეობა მისი გამომწვევი მიზეზების, მიყენებული ზიანის სიდიდის და სადაზღვევო შემთხვევასთან დაკავშირებული სხვა მონაცემების მოკვლევა-მოძიებაში;
- 4.3.3. სადაზღვევო შემთხვევის დადასტურებისას მოითხოვოს სადაზღვევო ანაზღაურების მიღება წინამდებარე ხელშეკრულებითა და შესაბამისი სადაზღვევო პოლისით დადგენილი წესითა და ოდენობით.

#### 4.4. მზღვეული უფლებამოსილება:

- 4.4.1. დაზღვევის ხელშეკრულების დადებამდე მოახდინოს დასაზღვევი ქონების დათვალიერება, სახანძრო-ტექნიკური გამოკვლევა;
- 4.4.2. გააკონტროლოს დამზღვევის მიერ წინამდებარე ხელშეკრულებისა და შესაბამისი სადაზღვევო პოლისის პირობებისა და მოთხოვნების შესრულება;
- 4.4.3. შეწყვიტოს წინამდებარე ხელშეკრულების მოქმედება და შესთავაზოს დამზღვევს, ახალ ხელშეკრულების დადება შეცვლილი სახით იმ შემთხვევაში, თუ შეიცვალა ქონების ექსპლუატაციის პირობები;
- 4.4.4. ცალმხრივად შეწყვიტოს დაზღვევის ხელშეკრულების (პოლისის) მოქმედება და წერილობით შეატყობინოს დამზღვევს აღნიშნულის შესახებ იმ შემთხვევაში, თუ გამოვლინდება, რომ დამზღვევის მიერ განაცხადში მითითებული მონაცემები და გარემოებები არ შეესაბამება სინამდვილეს ან ყალბია;
- 4.4.5. გააგზავნოს შესაბამისი შეკითხვები კომპეტენტურ ორგანოებში დაზღვევისათვის მნიშვნელობის მქონე გარემოებებთან დაკავშირებით;
- 4.4.6. სადაზღვევო შემთხვევის დადგომის შემდეგ მოითხოვოს დამზღვევისაგან წინამდებარე ხელშეკრულებით გათვალისწინებული ყველა ის ინფორმაცია და დოკუმენტაცია, რომელსაც მზღვეული მიიჩნევს საჭიროდ სადაზღვევო შემთხვევის ობიექტურად შეფასებისათვის;
- 4.4.7. მოახდინოს დამზღვევის დაზიანებული ქონების დათვალიერება და ფოტოგადაღებები;
- 4.4.8. შეადგინოს დაზიანებული (განადგურებული) ქონების აღდგენითი (შენაცვლებითი) ღირებულების მხარეთა ხელმოწერები;

მზღვეული:

დამზღვევი:

კალკულაცია (ხარჯთაღრიცხვა);

4.4.9. მოითხოვოს დამზღვევისგან, რათა ამ უკანასკნელმა გადასცეს მზღვეველს საკუთრების უფლება სადაზღვევო შემთხვევის გამო მზღვეველის მიერ შეცვლილ ქონებაზე, ხოლო ქურდობა, ძარცვა, ყაჩაღობის გამო სადაზღვევო ანაზღაურების გაცემისას დაკარგული ქონების პოვნის შემთხვევაში – ნაპოვნ ქონებაზე;

4.4.10. არ აანაზღაუროს ზარალი დამზღვევის მიერ წინამდებარე ხელშეკრულებითა და შესაბამისი სადაზღვევო პოლისით დადგენილი ვალდებულებების შეუსრულებლობის შემთხვევაში;

4.4.11. თუ ზიანის ანაზღაურების შემთხვევაში გაიჩნება, რომ სადაზღვევო შემთხვევა გამოწვეული იყო მესამე პირის ქმედებით, გამოიყენოს რეგრესის წესი და მოითხოვოს ანაზღაურება გაცემული სადაზღვევო თანხის ფარგლებში;

4.4.12. გადაეადოს სადაზღვევო ანაზღაურების თაობაზე გადაწვეტილების მიღება, თუ სადაზღვევო რისკის ხდომილების ფაქტთან დაკავშირებით დამზღვევის (მოსარგებლის) ან მისი უფლებამოსილი წარმომადგენლის მიმართ აღძრულია სისხლის სამართლის საქმე;

4.4.13. დაზღვევის პერიოდის ამოწურვამდე დაზღვეული ქონების ან მისი ნაწილის სრული განადგურების ან დაკარგვის გამო სრული ანაზღაურების გაცემის შემთხვევაში, მიიჩნიოს დაზღვევის ხელშეკრულება დასრულებულად შესაბამისი ქონების დაზღვევის ნაწილში;

4.4.14. არ აანაზღაუროს ზარალი, თუ დამზღვევა (მოსარგებლემ) სადაზღვევო შემთხვევა გამოიწვია განზრახ ან უხეში გაუფრთხილებლობით;

4.4.15. არ აანაზღაუროს წარმომადგენელი ზიანის ოდენობაზე მეტი თანხა იმ შემთხვევაშიც კი, თუ სადაზღვევო თანხა სადაზღვევო შემთხვევის დადგომის მომენტიდან ალემატება სადაზღვევო ღირებულებას;

4.4.16. თუ სადაზღვევო ანაზღაურების მომენტიდან დაზღვევის პერიოდს ერიცხება დავალიანება, ანაზღაურების თანხიდან გამოკვეთოს შესაბამის დავალიანების თანხა.

**მუხლი 5. სადაზღვევო თანხა, სადაზღვევო პრემია, ფრანშიზა და სადაზღვევო ანაზღაურება**

5.1 სადაზღვევო თანხა განისაზღვრება "დამზღვევესა" და "მზღვეველს" შორის ურთიერთშეთანხმებით. ეს არის თანხა, რომლის ფარგლებშიც გაიცემა სადაზღვევო ანაზღაურება; სადაზღვევო თანხის ოდენობა არ უნდა აღემატებოდეს დაზღვეული საგნის აღდგენით და/ან შენაცვლებით ღირებულებას; თითოეული დაზღვევის საგნისათვის სადაზღვევო თანხა აღნიშნული იქნება შესაბამის სადაზღვევო პოლისში, რომელზედაც გავრცელდება წინამდებარე ხელშეკრულების დებულებები და პირობები; დამატებით შეიძლება დაწესდეს სადაზღვევო ანაზღაურების ლიმიტ(ებ)ი, რაც, ასევე, ასახვას აპოვებს შესაბამის სადაზღვევო პოლისში.

5.2. წინამდებარე ხელშეკრულებით გათვალისწინებული მომსახურების (#FR/C-003454/17) პოლისის მიხედვით მზღვეველისთვის გადასახდელი სადაზღვევო პრემიის) მთლიანი ღირებულებაა 585.01 (ხუთას ოთხმოცდახუთი და 01) ლარს. (საიდანაც 2017 წლის 01 აპრილის 24:00 საათიდან 2017 წლის 31 დეკემბრამდე სადაზღვევო პერიოდისთვის სადაზღვევო პრემია შეადგენს 390.36 (სამას ოთხმოცდაათი და 36 თეთრი) ლარს, ხოლო 2017 წლის 31 დეკემბრიდან 2018 წლის 31 მარტის ჩათვლით სადაზღვევო პერიოდზე შეადგენს 194.65 (ას ოთხმოცდაათოთხმეტი და 65 თეთრი) ლარს. სადაზღვევო პრემიის გადახდა იწარმოებს შემდეგი გრაფიკის მიხედვით:




- 1-ლი გადახდა - 2-მაისი-17 - 48.76 ლარი
- 2-ე გადახდა - 2-ივნისი-17 - 48.80 ლარი
- 3-ე გადახდა - 2-ივლისი-17 - 48.80 ლარი
- 4-ე გადახდა - 2-აგვისტო-17 - 48.80 ლარი
- 5-ე გადახდა - 2-სექტემბერი-17 - 48.80 ლარი
- 6-ე გადახდა - 2-ოქტომბერი-17 - 48.80 ლარი
- 7-ე გადახდა - 2-ნოემბერი-17 - 48.80 ლარი
- 8-ე გადახდა - 2-დეკემბერი-17 - 48.80 ლარი
- 9-ე გადახდა - 2-იანვარი -18 - 48.80 ლარი
- 10-ე გადახდა - 2-თებერვალი-18 - 48.63 ლარი
- 11-ე გადახდა - 2-მარტი-18 - 48.61 ლარი
- 12-ე გადახდა - 31-მარტი-18 - 48.61 ლარი

მხარეთა ხელმოწერები:

მზღვეველი: 

დამზღვევი: 

- შესაბამისი სადაზღვევო თანხის, მზღვეველის პასუხისმგებლობის ლიმიტების, სადაზღვევო ტარიფისა და უპირობო ფრანშიზის მოცულობა განისაზღვრება შესაბამისი ინდივიდუალური სადაზღვევო პოლისით და მზღვევის მიერ წარმოდგენილი კონკრეტული განაცხადი-ანკეტის მონაცემთა საფუძველზე.
- 5.3. შესაბამისი სადაზღვევო პოლისით გათვალისწინებული პირველი ან ერთჯერადი სადაზღვევო პრემიის და მზღვევის მიერ გადახდამდე, ხოლო თუ სადაზღვევო პოლისი მრავალწლიანია, როგორც პირველი, ისე ყოველი მომდევნო წლის პირველი ან ერთჯერადი სადაზღვევო პრემიის გადახდამდე მზღვეველი თავისუფალია ნაკისრი მოვალეობის შესრულებისაგან.
- 5.4. სადაზღვევო პრემიის დროულად, სადაზღვევო პოლისით დადგენილ ვადებში გადაუხდელობის შემთხვევაში, მზღვეველის მხრიდან განისაზღვრება პრემიის გადახდის ორკვირიანი დამატებითი ვადა, თუ ამ ვადის გასვლის შემდგომ ადგილი ექნება სადაზღვევო შემთხვევას, და გადახდა არ იქნება განხორციელებული, მზღვეველი თავისუფლდება ანაზღაურების მოვალეობისაგან. ამასთან, პრემიის დროულად გადაუხდელობისას მზღვეველი უფლებას იტოვებს ერთი თვით ადრე წერილობითი შეტყობინების საფუძველზე და ამ ვადის უშუალოდ გასვლის შემდეგ ცალმხრივად შეწყვიტოს დაზღვევის ხელშეკრულება.
- 5.5. სადაზღვევო ანაზღაურების სიდიდე განისაზღვრება დაზღვევის ობიექტის აღდგენითი ან შენაცვლებითი ღირებულებით სადაზღვევო თანხის ფარგლებში, ფრანშიზისა და წინამორბედ შემთხვევებზე (ასეთის არსებობისას) გაცემული თანხების (ანაზღაურების) გამოკლებით.
- 5.6. თუ სადაზღვევო შემთხვევის დადგომის მომენტი სათვის აღმოჩნდება, რომ სადაზღვევო თანხა ნაკლებია დაზღვეული ქონების სადაზღვევო ღირებულებაზე (აღდგენითი ან შენაცვლებითი ღირებულებაზე), მაშინ, მზღვეველი ანაზღაურებს ზარალს სადაზღვევო თანხისა და აღდგენითი (შენაცვლებითი) ღირებულების შეფარდების შესაბამისად ანუ ასანაზღაურებელი ზიანის თანხა შემცირდება ისეთივე პროპორციით, როგორცაა შეადგენს სადაზღვევო თანხა სადაზღვევო ქონების აღდგენით (შენაცვლებით) ღირებულებასთან. ეს პირობა შეეხება ნებისმიერ ცალკეულ დაზღვეულ ობიექტსაც.
- 5.7. აღდგენა, უძრავი ქონების (შენობის) განადგურების შემთხვევაში, გულისხმობს უძრავი ქონების ხელახალ აშენებასა და რემონტს (აღდგენითი ღირებულება), სხვა ქონების განადგურების შემთხვევაში – მის შეცვლას ანალოგიური ქონებით (შენაცვლებითი ღირებულება), ამასთან, ორივე შემთხვევაში, იგულისხმება ქონების იმ მდგომარეობაში აღდგენა, რომელშიც იმყოფებოდა სადაზღვევო შემთხვევის დადგომამდე. ცვეთის გათვალისწინებით, ქონების დაზიანების შემთხვევაში – ანაზღაურებას ექვემდებარება შესაბამისი რემონტის ხარჯები (იგულისხმება რემონტის შედეგად ქონების იმ მდგომარეობაში აღდგენა, რომელშიც იგი იმყოფებოდა სადაზღვევო შემთხვევის დადგომამდე, ცვეთის გათვალისწინებით). თუ ქონების აღდგენა რთულდება სახელმწიფოს მიერ მიღებული რაიმე სახის შემზღვევო აქტის საფუძველზე, აღდგენის გართულებით განპირობებული ხარჯები არ ექვემდებარება მზღვეველის მიერ ანაზღაურებას.
- 5.8. მზღვეველი ანაზღაურებს ნარჩენების გატანის ხარჯებს, რომელიც განხორციელდა მზღვეველის თანხმობის საფუძველზე და ითვალისწინებს იმ ნარჩენების გატანას, რომლებიც წარმოიქმნა წინამდებარე პირობებით გათვალისწინებული სადაზღვევო რისკის შედეგად დაზიანებული, დაღუპული ან განადგურებული ქონების ნაწილების დანგრევის, დემონტაჟის, გამაგრების ან გამყარების შედეგად. სადაზღვევო თანხის 10%-ის ფარგლებში, თუ ასეთი დაფარვის შესახებ სპეციალურად არის მითითებული შესაბამის სადაზღვევო პოლისში.
- 5.9. მზღვეველი ანაზღაურებს არქიტექტორებზე, ინჟინერებსა და ინჟინერ-კონსულტანტებზე გაწეულ გონიერულ ხარჯებს, რომლებიც გაღებული იქნა წინამდებარე პირობების შესაბამისად დაზღვეული ქონების დაზიანების ან განადგურების გამო სადაზღვევო თანხის 10%-ის ფარგლებში, თუ ასეთი დაფარვის შესახებ სპეციალურად არის მითითებული შესაბამის სადაზღვევო პოლისში.
- 5.10. დაზღვევის ობიექტის აღდგენის ღირებულებაში არ ჩაითვლება:  
 ა) ობიექტის რეკონსტრუქციასთან ან მის გადაიარაღებასთან, მისი ცალკეული ნაწილების, დეტალებისა და მოწყობილობების, მათი გაცვეთის, ტექნიკური წუნისა და ა.შ. შეკეთებასთან ან შეცვლასთან დაკავშირებული სამუშაოების ღირებულება;  
 ბ) ობიექტის ტექნიკური მომსახურებისა და სავარანტო შეკეთების ღირებულება.
- 5.11. სადაზღვევო ანაზღაურების გადახდის საფუძველს წარმოადგენს სადაზღვევო შემთხვევის აქტი, რომელსაც ადგენს მზღვეველი და ხელს აწერს როგორც მზღვეველი, ასევე დაზღვევი. სადაზღვევო შემთხვევის აქტით მხარეები თანხმდებიან სადაზღვევო ანაზღაურების საბოლოო მოცულობაზე, რის შემდეგაც ანაზღაურების თანხა, წინამდებარე ხელშეკრულებით დადგენილ ვადებში, გადაირიცხება დაზღვევის (მოსარგებლის) მიერ მითითებულ საბანკო ანგარიშებზე.
- 5.12. სადაზღვევო შემთხვევის შედეგად დაზღვარი ზარალის მოცულობას აფასებს მზღვეველის მიერ უფლებამოსილი პირი.

მზღვეველი:  მხარეთა ხელმოწერები:  დაზღვევი: 



- 5.13. იმ შემთხვევაში, თუ მზღვეველი და დამზღვევეი ვერ შეთანხმდნენ ზარალის საბოლოო ოდენობაზე, ზარალის შეფასება მოხდება დამოუკიდებელი ექსპერტის მეშვეობით. ამასთან, ზარალის შეფასებაზე გასაწევი ხარჯების რეგულირების საკითხი განისაზღვრება შემდეგნაირად:
- ა) იმ შემთხვევაში, თუ შეფასება (ექსპერტიზა) ტარდება მზღვეველის სურვილითა და ინიციატივით, ასეთ შემთხვევაზე (ექსპერტიზაზე) გასაწევ ხარჯებს მზღვეველი ფარავს;
  - ბ) იმ შემთხვევაში, თუ შეფასება (ექსპერტიზა) ტარდება დამზღვევის სურვილითა და ინიციატივით, ასეთ შემთხვევაზე (ექსპერტიზაზე) გასაწევ ხარჯებს დამზღვევეი ფარავს;
  - გ) იმ შემთხვევაში, თუ შეფასება (ექსპერტიზა) ტარდება მზღვეველისა და დამზღვევის ერთობლივი გადაწყვეტილებითა და ინიციატივით, ასეთ შემთხვევაზე (ექსპერტიზაზე) გასაწევ ხარჯები თანაბრად გაიწილება მზღვეველსა და დამზღვევეს შორის.
- 5.14. სადაზღვევო ანაზღაურების გადახდის შემდგომ სადაზღვევო თანხა მცირდება გადახდილი სადაზღვევო ანაზღაურების თანხის ოდენობით.
- 5.15. ქონების განადგურებისას, მზღვეველის მიერ ასანაზღაურებელ თანხას დააკლდება ასეთი მომენტისათვის დამზღვევის მიერ დარჩენილი სადაზღვევო პერიოდისათვის მზღვეველისათვის გადასახდელი სადაზღვევო პრემიის (ასეთის არსებობისას) თანხა.
- 5.16. თუ დამზღვევის მიერ წინამდებარე ხელშეკრულებითა და შესაბამისი სადაზღვევო პოლისით გათვალისწინებული დაზღვევის ინტერესი ერთდროულად რამდენიმე მზღვეველთან არის დაზღვეული, დამზღვევი ვალდებულია აღნიშნულის თაობაზე განახორციელოს მზღვეველის ინფორმირება და შესაბამის წერილობით შეტყობინებაში აღნიშნოს სხვა მზღვეველების ვინაობა და სადაზღვევო თანხის ოდენობა. ასეთ შემთხვევაში, ანუ თუ დაზღვეული ინტერესი რამდენიმე მზღვეველთან აღმოჩნდება დაზღვეული ერთი და იმავე რისკისაგან და სადაზღვევო თანხები ჯამში საბაზრო ღირებულებას აღემატება, მზღვეველები დამზღვევის წინაშე ვალდებული არიან, როგორც სოლიდარული მოვალეები იმ თანხის ფარგლებში, რომელიც გათვალისწინებულია დამზღვევთან გაფორმებულ შესაბამის დაზღვევის ხელშეკრულებაში (სადაზღვევო პოლისში), მაგრამ დამზღვევესარ აქვს უფლება მიიღოს ჯამში რეალურ ზიანზე მეტი თანხა.
- 5.17. დასაზღვევი ობიექტების რაოდენობის გაზრდის შემთხვევაში, პროპორციულად გაიზრდება სადაზღვევო თანხა და შესაბამისი სადაზღვევო პრემია, რაც აღინიშნება შესაბამის სადაზღვევო პოლისში დანართის სახით. დამატებულ დასაზღვევ ობიექტებზე დაზღვევა ძალაში შევა მას შემდეგ, რაც გადახდილ იქნება ნამატი სადაზღვევო პრემია.

**მუხლი 6. დათქმა სტელაუების შესახებ**

6.1. მარაგების დაზღვევის შემთხვევაში, თუ შესაბამისი სადაზღვევო პოლისით დაფარულია 2.16 და 2.17 პუნქტებით გათვალისწინებული რისკები, ამ რისკებისაგან დაზღვეულად ჩაითვლება მხოლოდ ისეთი მარაგები, რომელიც ინახება იატაკის დონიდან არანაკლებ 15 სანტიმეტრის სიმაღლეზე მდებარე თაროებზე ან სტელაუებზე.

**მუხლი 7. რეგრესის წესი**

- 7.1. მზღვეველზე, რომელმაც გადაიხდა სადაზღვევო ანაზღაურება, გადადის რეგრესული მოთხოვნის უფლება მიყენებულ ზიანზე პასუხისმგებელი პირის მიმართ გადახდილი ანაზღაურების ოდენობის ფარგლებში. დამზღვევი ვალდებულია გადასცეს მზღვეველს მის ხელთ არსებული ყველა დოკუმენტი, ორიგინალის ან სათანადოდ დამოწმებული ასლის სახით, რომელიც საჭიროა ამ მოთხოვნის რეალიზაციისათვის.
- 7.2. დამზღვევის მიერ ზიანზე პასუხისმგებელი პირისათვის უარის თქმა პრეტენზიებზე ან ამ უფლებებზე, რომელიც უზრუნველყოფს მის მიმართ მოთხოვნების რეალიზაციას, აგრეთვე უარის თქმა მზღვეველისათვის, გადასცეს ამ უკანასკნელს რეგრესული მოთხოვნის წასაყენებლად საჭირო დოკუმენტები, ათავისუფლებს მზღვეველს სადაზღვევო ანაზღაურების გადახდისაგან, ხოლო თუ ასეთი ანაზღაურება უკვე გაცემულია, მზღვეველს ანიჭებს გაცემული თანხის უკან მოთხოვნის უფლებამოსილებას.

მზღვეველი: 

მხარეთა ხელმოწერები:  
 დამზღვევი: 

**მუხლი 8. დავა და ზიანის ანაზღაურება**

- 8.1. მხარეთა შორის წამოჭრილი ნებისმიერი დავა წყდება მხარეთა ურთიერთშეთანხმებით, შეუთანხმებლობის შემთხვევაში კი სასამართლოს მიერ საქართველოს კანონმდებლობით დადგენილი წესით.
- 8.2. წინამდებარე ხელშეკრულების შესრულებასთან დაკავშირებული დავების/უთანხმოების შემთხვევაში მხარეები უფლებამოსილი არიან მორიგების მიზნით მიმართონ ა(ა)იპ „სადაზღვევო კომპანიათა ასოციაციის“ (ს/კ 204878481) „დაზღვევის მედიაციას“ სატელეფონო ხაზის მეშვეობით ნომერზე: (+995 32) 2555155, ელექტრონული ფოსტის მისამართზე mediacia@insurance.org.ge. „დაზღვევის მედიაციას“ მეშვეობით მორიგების მიუღწევლობის შემთხვევაში, მხარეები მიმართავენ სასამართლოს 8.1. პუნქტის შესაბამისად.
- 8.3. თითოეული მხარე ვალდებულია, აუნაზღაუროს მეორე მხარეს თავისი ქმედებით მიყენებული ზიანი საქართველოს კანონმდებლობით დადგენილი წესით.

**მუხლი 9. ფორს-მაჟორი**

- 9.1. მხარეები დროებით თავისუფლდებიან წინამდებარე ხელშეკრულებით ნაკისრი ვალდებულებების შესრულებისაგან, თუ ზემოხსენებული ვალდებულებების შეუსრულებლობის ან/და არაჯეროვანი შესრულების მიზეზი იყო დაუძლეველი ძალის ფორს-მაჟორული გარემოებების დადგომა.
- 9.2. ფორს-მაჟორული მდგომარეობის დადგომის შემთხვევაში მხარეთა ვალდებულებანი წყდება მხოლოდ დროებით და სრულად ახლდება ამ გარემოებათა დამთავრების ან აღმოფხვრისთანავე.
- 9.3. ფორს-მაჟორული გარემოებების დადგომა და შეწყვეტა უნდა დაადასტუროს შესაბამისმა კომპეტენტურმა ორგანომ.

**მუხლი 10. ხელშეკრულების მოქმედება**

- 10.1. წინამდებარე ხელშეკრულებით გათვალისწინებული სადაზღვევო მომსახურების გაწვევის პერიოდი: სკრითი სადაზღვევო პერიოდი ძალაში შედის 2017 წლის 1 აპრილის 24:00 საათიდან და მოქმედებს 2018 წლის 1 აპრილის ჩათვლით.
- 10.2 წინამდებარე ხელშეკრულების მოქმედების ვადა: წინამდებარე ხელშეკრულება ძალაში შედის 2017 წლის 1 აპრილიდან და მოქმედებს 2018 წლის 15 მაისის ჩათვლით.

**მუხლი 11. დაზღვევის/ხელშეკრულების შეწყვეტა**

- 11.1. წინამდებარე ხელშეკრულებით გათვალისწინებული დაზღვევის შეწყვეტის საფუძველი შეიძლება გახდეს:
  - ა) მზღვეველის მიერ შესაბამისი სადაზღვევო პოლისის მიხედვით ნაკისრი ვალდებულებების სრულად შესრულება;
  - ბ) მეორე მხარის მიერ ნაკისრ ვალდებულებათა შეუსრულებლობა;
  - გ) შესაბამისი პოლისით გათვალისწინებული ვადის გასვლა;
  - დ) თუ დაზღვევის საგანი აღარ არსებობს, გარდა სადაზღვევო რისკით გამოწვეული შედეგებისა (აღნიშნული ვრცელდება კონკრეტულ სადაზღვევო პოლისთან მიმართებაში);
  - ე) თუ დამზღვევე კანონმდებლობით განსაზღვრული წესით წყვეტს საქმიანობას;
  - ვ) ამოიწურა სადაზღვევო თანხით განსაზღვრული სადაზღვევო ანაზღაურების ლიმიტი (აღნიშნული ვრცელდება კონკრეტულ სადაზღვევო პოლისთან მიმართებაში).
  - ზ) თუ სადაზღვევო რისკის ზრდა დამზღვევის, მისი წარმომადგენლის ან დამზღვევის სახელით მოქმედი ნებისმიერი პირის მიერ განზრახ ან უხეში გაუფრთხილებლობით არის გამოწვეული;
  - თ) მხარეთა წინასწარი წერილობითი შეთანხმება;
  - ი) საქართველოს კანონმდებლობითა და/ან ამ ხელშეკრულებით გათვალისწინებული სხვა შემთხვევები.

მხარეთა ხელმოწერები:

მზღვეველი: 

დამზღვევი: 

11.2. მზღვეველის ინიციატივით სადაზღვევო პოლისის/დაზღვევის ვადაზე ადრე შეწყვეტისათვის (გარდა წინამდებარე ხელშეკრულების 11.1 მუხლის ა, გ, დ და ე ქვეპუნქტებისა, როდესაც დაზღვევა შეწყდება ამგვარი მოვლენის დადგომის მომენტიდან), იგი ვალდებულია გაუგზავნოს დამზღვევეს წერილობითი შეტყობინება მისი ადგილსამყოფელის მისამართზე 30 დღიანი ვადის დაცვით. ასეთ შემთხვევაში სადაზღვევო პრემიის გამოუმუშავებელი ნაწილი დაუბრუნდება დამზღვევეს იმ პირობით, თუ შეწყვეტა არ არის განპირობებული დამზღვევის მიზეზით/ბრალით და იგი დააბრუნებს სადაზღვევო პოლისის ორიგინალს მისი გაუქმებიდან 14 დღის განმავლობაში და ასევე, 11.4. პუნქტით დადგენილი პირობის გათვალისწინებით;

11.3. დამზღვევის ინიციატივით სადაზღვევო პოლისის/დაზღვევის ვადაზე ადრე შეწყვეტისათვის იგი ვალდებულია, გაუგზავნოს მზღვეველს წერილობითი შეტყობინება მისი ადგილსამყოფელის მისამართზე 30 დღიანი ვადის დაცვით. დამზღვევეს, მისი წერილობითი განცხადების საფუძველზე, დაუბრუნდება გამოუმუშავებელი სადაზღვევო პრემია პროპორციულად. ამასთან, გამოუმუშავებული სადაზღვევო პრემია ნებისმიერ შემთხვევაში ექვემდებარება დამზღვევის მიერ გადახდას. მიუხედავად აღნიშნულისა, 11.4. პუნქტით დადგენილი პირობა ნებისმიერ შემთხვევაში იქნება გათვალისწინებული.

11.4. დაზღვევის ნებისმიერი მიზეზით ვადაზე ადრე შეწყვეტისას მზღვეველის მიერ პოლისის მოქმედების პერიოდში კონკრეტულ დაზღვეულ ქონებასთან/პოლისთან მიმართებაში ნებისმიერი ზარალის ანაზღაურების შემთხვევაში, გამოუმუშავებელი პრემია ასეთ ქონებასთან/პოლისთან მიმართებაში დაბრუნებას არ ექვემდებარება, განვადებით სადაზღვევო პრემიის გადახდისას კი - გამოუმუშავებელი სადაზღვევო პრემია ექვემდებარება დამზღვევის მიერ სრულად დაფარვას.

**მუხლი 12. დასკვნითი დებულებები**

12.1. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ იმ შემთხვევაში, თუ შედგენილია წერილობითი ფორმით და ხელმოწერილია ორივე მხარის მიერ. ისინი წარმოადგენენ ხელშეკრულების განუყოფელ ნაწილს.

12.2. ხელშეკრულების რომელიმე პუნქტის ბათილობა არ გამოიწვევს მილიანად ხელშეკრულების ბათილობას თუ იგი დაიდებოდა ასეთი ბათილი პუნქტის გარეშეც გარეშეც.

12.3. წინამდებარე ხელშეკრულების აღსრულებისათვის აუცილებელი ყველა შეტყობინება მიეწოდება წერილობითი ფორმით, ან გადაეგზავნება ფაქსით, ან დაზღვეული ფოსტით მხარეთა ადგილსამყოფელის მიხედვით. მისამართის/ადგილსამყოფელის ცვლილების შესახებ ინფორმაციის დაუყოვნებლივ მზღვეველისთვის მიუწოდებლობის შემთხვევაში, მზღვეველის მიერ გამგზავნილი ნებისმიერი კორესპოდენცია/შეტყობინება ჩაითვლება დამზღვევის მიერ მიღებულად.

12.4. წინამდებარე ხელშეკრულების თანახმად, სახელშეკრულებო პირობები ატარებენ კონფიდენციალურ ხასიათს და ამ ხელშეკრულებასთან დაკავშირებული ყოველგვარი ინფორმაცია მესამე პირს (პირებს) გადაეცემა(თ) მხოლოდ საქართველოს მოქმედი კანონმდებლობით დადგენილი წესით, ასევე, მხარეთა მიერ წერილობით გათვალისწინებული შემთხვევებში. მიუხედავად ამისა, წინამდებარე ხელშეკრულებაზე ხელმოწერით დამზღვევი ანიჭებს უპირობო უფლებას მზღვეველს, დამატებითი შეთანხმების გარეშე, დამზღვევის შესახებ არსებული ნებისმიერი ინფორმაცია გადასცეს სს "კრედიტინფო საქართველოს" (რეგისტრირებული მთაწმინდა-კრწანისის რაიონული სასამართლოს მიერ 2005 წ. 14 თებერვალს, რეესტრის №06/5-51, საიდენტ. №204470740), რაც გამოიწვევს დამზღვევეს აღრიცხვას "კრედიტინფო საქართველოს" მონაცემთა ბაზაში.

12.5. წინამდებარე ხელშეკრულების ხელმოწერით მხარეები ადასტურებენ, რომ წინამდებარე ხელშეკრულება დადებულია გონივრული განსჯის შედეგად და მასზე ხელმოწერა პირებს აქვთ სათანადო უფლებამოსილება ამისათვის;

12.6. წინამდებარე ხელშეკრულება შედგენილია ქართულ ენაზე ორი თანაბარი იურიდიული ძალის მქონე ვერსიისადაც, რომელთაგან ერთი გადაეცემა "დამზღვევეს", მეორე კი - "მზღვეველს."

**მუხლი 13. მხარეთა რეკვიზიტები და ხელმოწერები:**

"მზღვეველი"  
სს "სადაზღვევო კომპანია აღდაგი"

"დამზღვევი"  
შპს "რუხის სავაჭრო ცენტრი"

მზღვეველი: 

მხარეთა ხელმოწერები:  
დამზღვევი: 

მის.: თბილისი, პუშკინის ქ. №3  
ტელ.: (995 32) 2 444999;  
ფაქსი: (995 32) 2 294905;  
საიდენტიფიკაციო კოდი: 404476189  
საბანკო რეკვიზიტები:  
სს „საქართველოს ბანკი“,  
კოდი: BAGAGE22  
ა/ა **GE65BG000000114845506**

გ. ბარათაშვილი  
გენერალური დირექტორი  
ბ.ა.



იურიდ. მის.: საქართველო, ქ. თბილისი, ძველი  
თბილისის რაიონი, ვუკოლ ბერიძის 6  
ფაქტობრივი მის.: საქართველო, ქ. თბილისი,  
ძველი თბილისის რაიონი, ვუკოლ ბერიძის 6  
ტელ.:  
ფაქსი:  
საიდენტიფიკაციო კოდი: 404484704  
საბანკო რეკვიზიტები:

დავით მაჭავარიანი  
დირექტორი  
ბ.ა.

მზღვეველი:

მხარეთა ხელმოწერები:

დამზღვევი: